

# NYUMBA IKULU YA MABUKU

## MBUTO YAKOYIWA TOWERA KUPIPFUNDZISIRA MALONGERO

### KUBVESERA TOWERA KUPFUNDZIRA

Kupfundza si pire pisanerezera ife tayi!

Kupfundza si luso basi tayi.

Pisafunika pakutoma kupfundza, nkhubvesera.

Tingafuna kupfundza kakamwe, luso isafunika, mbwenye, nkhaba kukwana tayi.

Pisafunika, kupangiza udziwi wako onsene. Pathutinasobendzesa udziwi wathu mu mbuto za kusiyanasiyana, ndipo panapfundza ife kakamwe.

Pisaciita ife pinango, pisaphedza maningi mapfundziro. Makhaliro athu tingalandanisa, asaphedza udziwi. Ndzeru zinango za kupfundza, nkhubverana na anango. Kuwonerera udodomeki, ndi ndzeru yadidi ya kupfundza. Nkhaba funika kupinyoza, mbwenye, kuwonesesa udodomeki wako, towera usake ndzeru zinango.

Nindji cisacemerwa kupfundza ?

- kubvesera
- kuciita luso
- kusobendzesa na kubverana na anango
- kudodomeka na kupandira udodomeki

# **NYUMBA IKULU YA MABUKU**

## **MBUTO YAKOYIWA TOWERA KUPIPFUNDZISIRA**

### **MALONGERO**

#### **Kudziwa Mphangwa**

Na uthambaluki wa piyombo piya mphangwa, pontho na kusobendeswa kwa interneti, kudziwa mphangwa cinthu cikulu kakamwe. Pisafunika, nkHUDZIWA ndjira za kusaka mphangwa. Kuzigumanya, kunadzaciita cinthu cikulu kakamwe mu mapfudziro, n'kati mwa piyaka khumi pinafuna kudza .

Cincino, khabe kusoweka mphangwa, mbwenye kuti, kundjipa kwazo !

Natenepa, tinaciita tani?

#### **Udziwi unomwe pakufuna kugumana mphangwa**

- **kudziwa kusankhula mphangwa isafuna ife.**
- **Kudziwa nkHUPI na ndjira za kuzigumana, khubveka kuti, kudziwa kunabuka mphangwa.**
- **Kudziwa kusankhula malembwa athu tinasobendeswa.**
- **Kudziwa kuwerenga/kulenga, pinga kwansika na kucimbiza, pontho na kubvesera.**
- **Kudziwa kukwata mphangwa zakufunika maka-maka, peno kuti, kudziwa kukoya mphangwa zakufunika kakamwe.**
- **Kudziwa kuwonerera malembwa na kudziwa kufeyafeya mphangwa zawo.**
- **Kudziwa kutsogola pire pisafuna kudza kubulukira pa mphangwa ziripo.**

# **NYUMBA IKULU YA MABUKU**

*MBUTO YAKOYIWA TOWERA KUPIPFUNDZISIRA MALONGERO*

## **Kuna iwe, nindji cisacemerwa kupfundza ?**

1. Kuwonekera m'mapfundziro ?	
2. Kutowezero na kuciitambo ?	
3. Ndi luso ya mapfundziro ?	
4. Kutsogola kudziwa pisafuna ife kupfundza pakutoma ?	

## **Kuna iwe, nindji cisacemerwa kubvesera?**

1. Kuthumbudzula mafala onsene asagumanika m'malembwa ?	
2. Kudziwa cibveko ca mafala onsene ?	
3. Kubvesera mphangwa ziri kumwazwa ?	

# NYUMBA IKULU YA MABUKU

## MBUTO YAKOYIWA TOWERA KUPIPFUNDZISIRA MALONGERO

### IWE USAPFUNDZA TANI ?

	Cipo	Penango	Ande
1. Pakufuna kubvesera mphangwa za mapfundziro, iwe pisafunika kuzilemba?			
2. Pakufuna kubvesera mphangwa za mapfundziro, pisakwana kuna iwe kuziwerenga kabodzi peno kazindji?			
3. Pakufuna kuciita luso na mphangwa za mapfundziro, usafunika kuzitowezero mbuukhuwa?			
4. Ungamala kuwerenga, usalemba mphangwa zako usafuna kuciita luso?			
5. Ungamala kuwerenga iwe usanyerezera piya werenga iwe?			
6. Pako unasobendza, iwe usawona terevhizawu pa n'dzidzi ubodzibodziwo?			
7. Panaciita iwe mabasa, usabvesera nyimbo pa ndzidzi ubodzibodziwo?			
8. Pakuciita bvundzo, iwe usafuna kuti m'pfundzisi aciite kuwerenga mibvundzo?			
9. Iwe usabvesera mwadidi piyonsene angati m'pfundzisi ali kulemba ku kwadru ciriporipoco ali kulonga?			
10. Iwe usabvesera mwadidi pa ndzidzi wa mapfundziro pialonga m'pfundzisi?			
11. Iwe usaciita luso na piyakumwazwa na terevhizawu?			
12. Iwe usawerenga mabuku anango kundja kwa ale alongwa na m'pfundzisi?			
13. Pisafunika kufamba towera ciita luso?			
14. Iwe usabvesera na kucimbiza m'pakwa/maganizo?			
15. Usaciita luso ya miratorato?			
16. Iwe usalenga na kucimbiza uli noo?			
17. Iwe usawonerera kubvesera kwako kwa mapfundziro?			

## **DAAA**

Cigwagwa ca:

(Dispositivo de Aprendizagem Autodirigida com Apoio)/ ( Combo ca Kupipfundzisira na Kuphedzwa ).

## **Ciphedzo ca mapfundziro**

### **NINDJI CISACEMERWA KUPFUNDZIRA MALONGERO**

Pisalongwa kazinji kuti, kupfundzira malongero nkhusangizira, mbupita pontho mafala onsene adacitwa, towera kuyasobenzesa mu mbuto za makani. Pisalongwa pontho kuti, kupfundzira malongero, nkhusaka ndjira za kuciita pinthu na ndzeru (o). Mbuganiza mafala, pa n'dzidzi wa kufunika, ninga kuganizwa kwa cingalingali towera cirire na macibese. Pisalongwambo pontho kuti, nkhu pipfundzisa mafala na ndjira za gramaatika, cinthu cakuti, cisaphedza kuciita mafala ana ndzeru kubulukira m'mafala mang'onong'ono.

### **Natenepa**

Dzeru zezi, zingakhale zadidi angati mafala anewo ndi mafupi ninga " macibese adidi", "komerwani", " takhuta kakamwe", " ndaphata mwendo". Mbwenye, nkhaba ciita tayu(i) kulonga piya ndzeru, mafala a luso, mafala a kuphathanizwa mbatowera mitemo ya gramaatika, tinga leseza pakuwonana na n'kondzi, tisalanga kuti : " Nsana wanga uli kupha, ndagwa" ? Pontho, pathu tinawerenga phepha-mphangwa, peno kuti, pathu tinabva kudandawula kwa n'supayi, tiri kuyasasanya peno kuti tiri kuyaleseza?

### **Kupfundzira malongero, ndi sawa-sawa na kutekenya miyotokala.**

**a.** ndi pakutoma kudziwa mafala, mitemo. Kubveka kuti, kuwona na kukoya pisafunika, pontho tinaciita tani towera kwanisa pisafunika.

- **kutekenya** : kuwona, tinga leseza kuti, pakufuna kufambisa miyotokala pangati wa pulumuswa ncini, pisafunika kusobedzesa magiya alipo : ya kutoma, ya ciwiri, ya citatu, ya cinayi, ya cishanu, na ya mandulinduli, na kudziwa kuti, kunumbha kwenda pa pagiya inango, pisacitwa mbutowera pagiya ibodzi na ibodzi.

- **mu makani/kubverana** : kuwona tinga leseza kuti, pakufuna kudziwisa

nyawulendo, pisafunika pakutoma, kubvesera pisafuna iye (pisafuneye), kudziwa paciwiri, kubvesera mafala ace ali kusobendzesa, makhaliro ayo n'kati mwa pire piri kulonga iye kuna ife, ungwawungwawu, kutekenyeka na kuleseza mafala, towera na mafala yapi, tani, mbatowerana tani, na ungwawungwawu upi, kum'phata tani mu kum'pasa mafala yali kudikhira iye.

- **Paciwiri** : ndi kupidzoweresa kuciita pisafunika, towera kugumana piri kusaka iwe.

- **mu makani/kubverana** : kupisasanyira, tinga leseza, kubvesera kuphemba mafala kwa anthu azinji, na kwadziwisa mbisobendzesa malongero ( mafala, mitemo ya gramaatika, maphatiro, ungwawungwawu, na pinango) asadziwa ife.

Kupfudzira kulonga ndi sawa-sawa na kutekenya miyotokala kusaciitwa : na ndima ziwiri : kusatomwa kudziwa ndzeru, kaciwiri kukhala na ndjira za kusobendzesa ndzeru zezo. Tinakwanisa kuganiza mapfundziro mu m'pfendo mitatu :

M'pfendo ubodzi "**kupisasanyira**". Ndi pepale pasadziwa ife na kutoma kukoya malembwa, gramaatika, na pinango. Mbawutowera m'pfendo waciwiri "**kuleseza**". Ndi mabasa ya kuthimizira/ kutsogoza udziwi wathu wa malongero pontho na kutoma "**kuciita**". Ndipepo pathu tinatsogoza kakamwe kupfundza kwathu misambo ya kubvesera, na kulonga.

Nkati mwa pepi, kuthambaluka kwathu m'mapfundziro ndi mishobo miwiri : Tisathimizira na khundu ibodzi udziwi wathu, na khundu inango, tisathimizira ndzeru zathu za kusobendzeswa kwa udziwi uneyo. Mu mishobo miwiri ishi, kuthambaluka kunathimizirika. Kudziwa nkhabe ciitwa ndzidzi ubodzibodziyo : Pang'ono pang'ono pinthu pisapitirana na makhaliro, pontho, tinakwanisa kusobendzesa ndzeru zathu pakubvesera na kulonga.

### **Ipi pisabala pinthu piwiri**

- Pathu tinawonerera piya koya ife, pisafunika kudziwa mwadidi kusiyanisa mapfundziro mawiri aya : ya udziwi uli kucerera, peno kuti ndzeru za kubvesera na kulonga. Si piyadidi tayu, kupfundza pontho, mbuciti ndi ndzeru zisafunika kusasanyiwa peno kuti ndi udziwi.

- Pisaciitika n'kati mwa mapfundzira, khonda dziwa piyonsene, pontho na kupiciitambo mwadidimwene pakutoma letu. Pisafunika kupipasa ndzidzi wa kukoya pire piya buka ife kudziwa, tinga leseza, kulonga mwadidi mafala asadziwika, na pina, kulonga udafulika, peno kubvesera na kucimbiza, pontho na kukhonda gopa kubvesera, kulemba peno kuwerenga mwadidi.

Pa kukonya, kupfundzira kulonga na malongero anango, tingafuna kupiwona, nkupfundzira mafala na cibveko cayo, malongero ayo, na kulembwa kwayo. Mishobo isakwata iwo ( midzidzi, ubodzi/uzindji, kucimuna na kucikazi), mitemo isafunika kutowezero towera kuciita nayo mafala ana ndzeru, peno malembwa, ungwawungwawu na ndzeru zizafunika kutowezero pa n'dzidzi usafuna ife kulonga na munthu ( kum'phata tani, tinga leseza, ) ; pontho ndi kudziwa kubvesera na kulonga mbusobendzesa udzwi wako wa malongero. Si kukwata udziwi basi tayi, mafala, peno kudzolera mafala, ndzeru. Nkhukwata ndzeru zisaphedza kuciita makani na malongero anango, nonga pisaciita ife na malongero athu pa n'dzidzi wa kupfundzira kuyasobendzesa.

# NYUMBA IKULU YA MABUKU

## MBUTO YAKOYIWA TOWERA KUPIPFUNDZISIRA MALONGERO

### **Kunyerezera kutanhatu kwa sososo na kubvesera**

1. Kubvesera, si kupfundza na kutowezero tayi, kubveka kuti, kulenga malembwa na kuyatowezero bvumbu-bvumbu na maso sososo ndzulu.

Nkhunyezera pakutoma, kudziwa pisasobendza pire piri kukoya ife na maba a kupiciita.

Paciwiri, nkhubveseradi pire pisafuna ife kudziwa, tangwe, nkhabe nesa kukoya pisabvesera ife.

Kubvesera, nkhudziwa kusobendzesa piyonsene pisa lokota iwe, peno kuti, pipingiziro kuti ukwanise kutsogola kuwona pinadzaciitika m'makalire.

2. Nsolo si cinthu cing'no tayi. Lekani kugopa nakuti penango, kukoya mafala mu n'solo mwanu, kunawupingiza pakufuna kukoya mphangwa zinago. Nsolo si nyumba ya mabuku tayi ! Tingakoya uziwi ndipo pana pfundza ife. Natenepa, tingasobendzesa kazindji nsolo wathu, tirikuusanyira kuti usobendze mwadidi.

Nsolo si pire pisanyerezera ife tayi. Iwo nkhabe kukoya mafala onsene, iwo usaapfudza ndzidzi onsene, pontho, na kuyapaka papsa towera ukwanise kutayira miseru yonsene.

Nsolo wathu, cinthu cikulu kakamwe. Mbwenye, tisawusobendzesa pang'no basi.

3. Nkhabe khuli m'nsolo mwathu. Pa kukoya mafala, nsolo wako onsene usakoya.

4. Kugona kusaphedza kazindji ! Ife nkhabe kukoya mafala basi pa ndzidzi ubodzibodzi usapfundza ife, pontho, pa ndzidzi wa kugona. Natenepa, ndiwo ndzidzi wakuti nsolo wathu usapaka mafala onsene atu taguma pa ntsiku. Tulo zinaphedza uziwi. Ndithangwe, tialonga kuti, kuwerenga papsa wadzati kugona, ndi cinthu cikulu kakamwe.



5. kuciita luso nkhaba kuti ndaseya, na 30 a piyaka peno pizinji tisakwanisa kukoya.

6. Ziripo ndzeru zizindji za kubvesera. Natenepa, usafinika kusaka ndzeru zako za kubvesera.

### **Munthu na munthu na n'sambo wace**

Munthu na munthu ana n'sambo wace wa kupfundza. Anango asafuna kuwona miratorato a piyonsene pisafuna iwo kupfundza, peno kuti, kuwona ndima ya buku. Anango asapasana ndzeru, peno kuti, kuyemberana pithangano. Anangombo asakhuwa, peno na cikumukumu, kutowezera na manungo awo onsene pisalonga awene, kutowezera pisaciita munthu ali kulongiwa. Mbwenye, cikulu maka, nkhudziwa kuti, nindji cinandiphedza mu kubvesera.

Kuna ndzeru zinango za kubvesera mapfundziro.

- Anango, asalenga papsa piya lemba iwo ku mapfundziro, asabvesera pisalongwa na m'pfundzisi, anango asabvesera pfala yawo, Anangombo mbanyakupikica misolo ya mafala, ( misolo ya malembwa ), miratorato.
- Anango asakwarunya kazindji pantsi pa misolo ya mphananga za mapfundziro, pontho asapaka mafala towera, ayafokotoze na kuyalandanisa.
- Pisaphedza luso.
- Anango, asatoma kulandanisa pakufuna kudziwa pinthu, anango asatoma kudziwa towera kulandanisa. Anango, asapfundzira piyonsene mbatowera ndjira zonsene, anango, asapfundzira misolo ya mafala, towera kudzapita mukati mwawo.

Iwe usafunika kusaka nsambo. Peno kuthimizira na ndzeru zinango nsambo wako wa kupfundza. Cikulu maka, nkukhala na n'sambo ubodzi wa kupfundza wakuti unawuthimizira na dzeru zinango towera ufambe mwadidi.

**DAAA**

Mabhii akutoma a:

( Dispositivo de Aprendizagem Autodirigida com Apoio)/ ( Combo ca  
Kupipfundzisira na Kuphedzwa ).

**Ciphedzo ca**

**mapfundziro**

**PISAFUNA IFE NA UWONERERI**

Mibvundzo ziri pantsi apoo, zinadzakuphedza pa kusankhula malongero  
anasobendzeswa mu mbuto za makani zisa gumanika iwe, peno kuti, pisafuna  
iwe.

**Kufeyafeya pifuno (maba)**

Mumbuto za makani, ndinapibvundjisa :

Ndinazalonga nani?.....

.....

N'thundu upi wa anthu?.....

.....

Anthu api pa ndzidzi ubodzibodzi?.....

.....

.....

Ndinazalongandji kuna awene?.....

.....

Mphangwa zipi: Mafala yapi anazafunika ?.....

.....

.....

.....

.....

Ngupi udziwi wa gramaatika unazafunika?.....

.....

.....

.....

Ngupi nthundu wa malongero, peno kuti, wa pfala unazaphedza ?.....

.....

.....

Cipi cibverano cinazakhala na ine na anyamakani anga?.....

.....

Nindji pisafuna ine (ushamwali peno kuti, cibverano pa basa ) ?.....

.....

.....

.....

Ngupi ucerezi usafuna ine kudziwa kuciita ?.....

.....

.....

# **NYUMBA IKULU YA MABUKU**

*MBUTO YAKOYIWA TOWERA KUPIPFUNDZISIRA MALONGERO*

## **KUSOBENDZESWA KWA CISULIRI**

Pisuliri ndi piyombo piya mapfundziro. Malembwa ali mwemo, adaganizwa mbatowera mabhii.

Kuna pisuliri pizinji :

- cisuliri ca malongero
- cisuliri ca madzina
- cisuliri ca miseru : ninga cisuliri ca literatura.

Wadzati kusobendzesa, usafunika kupibvundjisa kuti, cipi cisuliri cinaphedza pisafuna ine kuwashula.

### **1. PASASOBENDZESWA CISULIRI CA MALONGERO**

#### **PAKUFUNA:**

- kusaka thumbudzulo ya fala.

Cendjera ! Usafunika pakutoma kuwona kuti, fala yeneyo yadzati kufokotozwa pa maphimbidzulo a buku yako uli kuwerenga.

Kusaka cibveko ca fala, papina, nindji pisafuna kulonga fala ya kukhonda kudziwika, peno ukhabe thembi, thangwe :

- Pisafunika kubveseradi, mafala onsene akunesa asapingiza kubvesera mafala anandzeru, m'malembwa.

Pakufuna kugumana mafala asalonga pibodzibodzipyo;

Pakulemba basa, malembwa, ciphambano.

Pakusaka misolo ya mafala.

Pakufuna kuwonerera ulembi wa malembwa ako.

Ungalemba nyerezero yako, usafunika kucendjera :

Pigwagwa na piphambano pya ulembi : Wona n'dandanda wa pigwagwa pa ndima ya kutoma ya cisuliri.

Saka cibveko ca fala n'kati mwa mbuto inagumanika iyo ( m'mafala ana ndzeru, m'malembwa ).

Pepi, pisakuphedza kusankhula cibveko ca fala, peno ungagumana fala ibodzibodzi mbiilonga pinthu pizinji.

## **2. Kusobendeswa kwa cisuliri ca madzina**

- Pakufuna kusaka mphangwa :

Cendjera ! Wona, ntsiku idalembwa cisuliri : zinango mphangwa ntsakale.

Tingalandanisa, m'nduli mwathu musaphedza mukusaka mafala, pontho misolo ya mafala. Imo musaphedzambo mwa kudziwisa.

- Ndzidzi : munthu, cicitiko, malembwa a udziwi
- Mbuto : m'nzinda, cisa, dziko, gwaxa.
  - cisapasa mphangwa na cigwagwa, penango za kundjipa zisalonga piya :
    - Anthu : basa, ntsiku na mbuto ya kubalwa na ya kumwalira, piciitiko pikulu maka-maka piya makhaliro ako...
    - Mbuto : ( nzinda, dziko, nyandza,...) : thonyezo, mbumba, upambi, malongero, mabasa mazindji a uthambaluki, piciitiko pikulu kakamwe piya nduli...malembwa asalonga piya ndziko, peno kuti, piya sososo na dziko pontho na piya m'nduli.
    - Malembwa, a udziwi ( zwiphambano, mafirimu, magwaxa... ).

## **DAAA**

Cigwagwa ca:

( Dispositivo de Aprendizagem Autodirigida com Apoio)/ ( Combo ca Kupipfundzisira na Kuphedzwa ).

**Ciphedzo ca**

**mapfundziro**

## **Kudziwa kuciita mibvundzo na kuyisobenzesa**

**Tangwe yandji kubvundjisa ?**

Kuciita mibvundzo yakuti ndinazayezera kuyitayira, ndiri kusaka ndzeru za kubvesera malembwa, kuyawerenga/kuyalenga, na pinango. Pontho, ndiri kusankhula pisafuna ine kulenga, peno kuti kubvesera.

Tinasankhula tani, malembwa a kubvesera peno kuti, a kubvesera na kuwona ?

Izo ndzeru zingasi :

- mphangwa zina funa ine
- ine ndamala kusobenzesa malembwa akuti, mphangwa zawo zibodzizene.
- ine ndina udziwi wa sososo na nseru ( kubvesera kunazaciita nyole )
- ngapi malembwa yangu ndiri kufuna : ( phepha mphangwa, makani, pithangano ) ?....

**Tinaciita tani mibvundzo ?**

Pakufuna kuciita mibvundzo yanga ya sososo na malembwa, pisaciita kusobenzesa :

cigwagwa, cinapaswa na malembwa

malembi peno alipo

cisafuna ine kubvesera makamaka n'kati ma mphangwa

nindji cisanyerezera ine kuti, cinazalongwa n'kati mwa n'tundu wenewo wa malembwa. Tingalandanisa : na mphangwa : Mbani, lini, kupi, nindji pidaciitika.

Na makani : mbani ali kubverana, kubverana nani / mbani ali kulonga,

kulonga nani ?

– kuwonesesa (ntsiku ipi, irikufuna kulongandji? )

Kulemba mibvundzo yanga na n'ciputukizi, peno kuti, na malongerero a malembwa.

### **Ndinaciita tani mabasa ?**

Izo ndzeru zitatu za kusobenzesa :

1) ndisafunika pakutoma kunyerezera mitayiro ya mibvundzo yanga, pontho , ndinaciita n'dandanda wa mafala akuti penango anagumanika m'malembwa. Ndinasobenzesa cisuliri, ndingakhonda bvesera mwadidi mafala anango, pontho ndinayakoya.

Bvesera malembwa uwonerere kuti, mafala asankhula iwe alimo kakamwe ( peno kuti kuya kwarunya pantsi pawo). Nkhabe funika gopa, ndinabvesera kazindjikene.

Ndinawona mibvundzo yakuti yadzati kutayiriwa.

Bvesera pontho, towera ugumane mitayiro yayo.

2) Ndina kwarunya mibvundzo yakuti, mitayiro yayo, ingagumanike n'kati mwa malembwa.

Ndinabvesera pontho, ndima-ndima, yakuti ingagumanike mitayiro. Ndisalemba mwadidi misolo ya mitayiro ( na n'ciputukizi, peno kuti, na malongerero ya malembwa ). Ine ndingapifuna, ndinabvesera kazindjikene malembwa.

3) Ndinabvesera malembwa nee kuyalimirisa, pontho, ndinawonerera mibvundzo yalemba ine. ndinalimirisa malembwa, pontho ndinalemba mitayiro ya malembwa ( na n'ciputukizi, peno kuti, na malongerero a malembwa ).

Ndinabvesera pontho kabodzi, mbindiwonerera mitayiro yanga.

### **Ndinapiwonerera tani ?**

Ndinapiwonerera kuti ndaciita mwadidi : ndatayira mibvundzo mingasi ?

Ndinawerenga pontho mitayiro yanga, pontho, ndinapiwonerera kuti iri mwadidi?

Ndinawonerera kuti mitayiro yanga ndjadidi. Natenepa, ine :

- Kulimirisa, ndingawona kuti mitayiro yanga iri mwadidi.  
Pisafunika kuthemba kunyerezera kwanga.
- Kuphemba ciphedzo ca munthu abvesera malembwa. Pinaciitambo mbwenye ndikasobendza na n'dzanga, peno kuti, mu n'soka.
- Kuphemba ciphedzo ca munthu ana udziwi uzinji, nyakulonga malongero anewo, peno kuti m'pfundzisi, ). Ine ndinakwanisa kum'phemba towera, abvesere malembwa, pontho, na kulemba mitayiro ya mibvundzo yanga. Ine, ndinasobendzesa mitayiro yace towera kusasanyira udodomeki wanga.
- Kuti ine ndasankhula, malembwa ana ulembi, ndinakwanisa kusobendzesa ulembi wenewo mukusasanyira udodomeki.